


www.BibleForChildren.org

Ma:diu 26



Eso gafeyale
gala aligili, Baligisu
Lolo Nasu da ba:mu
galu. Amo esoha Yesu
da Bedani sogebi,
La:salase ea diasuga doaga:i.
(La:salase da musa: bogole,
Yesu da uhinisi.)



Meli da gabusiga: manoma, muni bagade liligi ea dio amo “nade”, amo lale, Yesu Ea emo amoga sogadigi. Amalalu, e da Yesu Ea emo amo ea dialuma hinaboga dogai. Amo manoma ea gabusiga: ida:iwane heda:le, diasu da amoga nabai galu.



Amalalu, Yesu Ea ado ba:su dunu afadafa ea dio amo Yudase, (eda dio da Isaga:liode), da ado ba:su dunu fagoyale yolesili, gobele salasu hina dunuma doaga:le, e da Yesu ilima hohonoma:ne sia:i. Iliia da ea sia: hahawane nabi. Iliia da ema muni imunu sia:i. Amalalu, Yudase da Yesu ilima hohonomusa: logo hogoi helei.




Amo sia: nababeba:le, ilia da Yesu
Ea olelei hamoi. Iliia Baligisu Lolo
Nasu manusa: hahamoi. Iliia ha:i
nanoba, Yesu da agi ga:gi lale,
Godema nodone sia:ne gadole, amo
agi ga:gi fifili, Ea fa:no bobogesu
dunuma i. E amane sia:i, “Lale
moma! Amo da Na da:i hodo.”
Amalalu, E da faigelei lale,
Godema nodone
sia:ne gadole,
ilima i.”



E amane sia:i, “Dilia huluane amo
waini hano moma. Go da Na
maga:me. Gesele nasu gousa:su
gaheabolo da amoga hamoi dagoi.
Na maga:me sogadigimuba:le, dunu
bagoame da gogolema:ne
olofosu ba:mu.”



“Saimone! Saimone! Nabima! Ifabi ouligisu dunu da widi noga:i amo gisiga afafabe defele, Sa:ida:ne da dima dafama:ne olelesu hou dima ado ba:ma:ne, Gode da logo doasi dagoi. Be Saimone! Dia dafawaneyale dawa:su hou da mae dafama:ne, Na da Godema sia:ne gadoi dagoi. Di da Godema bu sinidigisia, dia fi dunu ilima gasa ima:ne, fidima.”



Bida e bu adole i, “Hina! Di da se dabe iasu diasuga asili bogosea, defea, na amola ani galu masunusa: momagei dagoi!” Be Yesu E amane sia:i, “Bida! Na dima sia:sa! Wali gasia, di da hidadea, ‘Yesu na hame dawa:,’ udiana agoane sia:sea, fa:no gagala ga:be nabimu.”



Amalalu, ilia Gedesemani
sogebi amoga doaga:i.
Yesu da ilima amane sia:i,
“Dilia guiguda: esaloma!
Na da gagoega sia:ne
gadamusa: masunu!” E da
amane sia:ne gadoi, “Ada!
Na Ada! Di da liligi huludafa
hamomusa: dawa:! Amo se
nabasu faigeleiga di, Na
fisima:ne sia:ma! Be Na hanai
liligi hame, Dia hanai liligi
fawane Na da hamomu!”



Amaiba:le Yudase da amo ifabia doaga:i. Louma dadi gagui dunu amola Debolo sosodo aligisu dunu (gobebe salasu dunu amola Fa:lisi dunu da amo asunasi), Yudase ea baligiga aligi. Iia dadi, gigi, gobihei, gamali amola hanu amo gagaguli misi. Amola Eaado ba:su dunu afae da gobebe salasu hina dunu ea udigili hawa: hamosu dunu amo ea ge damuni fasi. Be Yesu E amane sia:i, “Yolema! Dagoi!” E da ge damui dunu ea ge digili ba:loba, ea ge da bu madelagilisili bahoi ba:i.



Amalalu, ilia da Yesu gaguli, gobele salasu hina dunu
ea diasuga hiouginana asi. Bida da fa:nodafa bobogei.
Mabe dunu da gobele salasu hina ea diasu gagoi
ganodini lalu didili,
amo gadenene housa
fibiba:le, Bida
amola fi galu.



Gobele salasu Ouligisu
dunu ea udigili hawa:
hamosu dunu afadafa
(amo da dunu Bida ea
ge damuni fasi, amo ea
fi dunu) e Bidama adole
ba:i, “Na da Di amola Yesu,
alia gilisili ifabi ganodini esalebe
ba:bela:?” Be Bida e bu sia:i,
“Hame mabu!” Sia:noba, gagala
gawali ga:be nabi. Amaiba:le, e da
gadili asili, bagadewane dinanu.



Amalalu, ilia huluane wa:legadole,
Yesu E Bailadema hiouginana asi.
Bailade da Yesuma amane adole
ba:i, “Di da Yu dunu ilia Hina Bagade
esalabala?” Yesu E bu
adole i, “Di sia:i dagoi.”
Bailade da Yesu udigili
masa:ne hanaiba:le, dunu
huluanema bu sia:i. Be ilia
da mae fisili, halale

bagadewane sia:i,
“E bulufalegeiga bogoma:ne

medoma! Bulufalegeiga
medoma!”




Amalalu, Bailade da Yesu
bulufalegeiga fuga:musa:, ilima i dagoi.
Amaiba:le, ilia da Yesu lale oule asi. E
da bulufalegei gisawane asili sogebi ea
dio amo “Dialuma Gasa Sogebi,”
amoga doaga:i. (Hibulu sia: amo sogebi
ea dio da Gologoudia).



Amoga ilia da Yesu bulufalegeiga fuga:i.
Dunu aduna eno, afae da ea
lobodafadili, eno da ea lobo
fofadidili, ili bulufalegeiga
fuga:i.



Afafasu abula bagade Debolu Diasu ganodini gaga:i dialu, hisu gadelale, fada:ne fasi ba:i. Yesu da ha:giwane wele sia:i, “Ada! Na da Na a:silibu Dia lobo da:iya ligisisa!” Amane wele sia:nanu, E da bogoi.



Amaiba:le, daeya, A:limadia moilai
dunu e dio amo Yousefe, (e da
mimogo Gasolo dunu, amola
e da Gode Ea Hinadafa
Hou hogolalu), ea dogo
denesini, Bailadema
doaga:le, Yesu Ea
da:i hodo ema
ima:ne sia:i.



Amalalu, Yousefe da bogoi ahea:ya:i
abula bidi lale, Yesu Ea da:l
hodo bulufalegeiga duga:le,
bogoi abulaga sosone, gele
gelabo (amo da magufuga
dogoi) amo ganodini
sali. E da wagebi igi
bagade bebesole,
amoga logo ga:si
dagoi.



Golale hahabe, Sa:bade eso amoga,
gobele salasu dunu amola Fa:lisi
dunu da Bailadema
doaga:i. Ilia da ema
amane sia:i, “Hina! Amo
ogogosu dunu
esaloba, E da eso
udiana bogoi dialu,
bu uhini
wa:legadomu
sia:i.”



Amaiba:le, ilia da asili, gele logo ga:su
mae doasima:ne sili
gobe le legele, noga:le
ga:si. Ili da dadi gagui
ilima gele gelabo
noga:le sosodo
aligima:ne sia:i.



Sa:bade eso galu, Sada:i hahabedafa,
Meli Ma:gadala amola Meli eno
da Yesu Ea bogoi gele
gelabo amo ba:la asi.
Bebeda:nima
da hedolowane
mabeba:l e, osobo
bagade da ugugui
dagoi.



Gode Ea a:igele dunu e Hebene
fisili, gele gelabo ea gele logo
ga:su bebesola asili, amo
gele da:iya esalu. Gele
gelabo ouligisu dadi
gagui da amo hou
ba:beba:le,
bagadewane
yagugui amola
bogoi
dunu
defele
ba:su.




A:igele da uda elama amane sia:i,
“Mae beda:ma! Na dawa:! Alia da
Yesu bulufalegeiga medoi
dunu amo ba:la misi! Be E
da guiguda: hame diala.
Ea musa: sia:i defele,
Gode da E uhini
wa:legadolesi dagoi.
Ea golai sogebi
ba:la misa!”



Amaiba:le, uda da gele gelabo hedolowane
yolesili, beda:iwane amola hahawane,
hehenane, Yesu Ea fa:no bobogesu
dunuma adodomusa: asi. Amalalu,
hedolowane, Yesu da elama
doaga:i. E da elama hahawane
asigi sia: sia:i. Ela da Ema
misini, ea emo gaguli, Ema
nodosu.





Fa:nodafa, Yesu da Ea ado ba:su dunu gidayale gala ilima misi. Iliya da ha:i nanebe ba:i. Eno dunu da Ea da:i hodo bu esalebe ba:i dagoi. Be amo gilisi ado ba:su dunu iliya da dafawaneyale hame dawa:beba:le, Yesu da ilima gagabole sia:i. Yesu da Ea fa:no bobogesun dunuma sia:nanu, Gode da E Hebene sogega lale gadoi. E da Gode Ea gasa bagade lobodafadili fi dagoi.



Bai Gode da osobo bagade fifi asi
gala hodole, ilima asigili, Egefe ilima i.
Ea sia: dafawaneyale dawa:sea,
lalegagusia, eso huluane mae
bogole Fifi Ahoanumu.



Louma 3:23

Bai hou hisu hisu da hame gala. Dunu huluanedafa defele ilia da wadela:i hamosu dunu. Ila da huluane defele Gode Ea Hou giadofale hamoi dagoi.

Louma 6:23

Bai wadela:i hou hamosu ea bidi da bogosu fawane! Be Gode Ea hahawane dogolegele iasu da Hina Gode Yesu Gelesu amoma madelagiba:le, eso huluane mae bogole Fifi Ahoanumu.

Hibulu 9:27

Dunu huluane afae afae da afae bogole, Gode Ea midadi fofada:musa: lelumu.



Efesase 2:8,9

Dilia da Gode Ea hahawane dogolegele iasu hou dafawaneyale dawa:beba:le fawane, mae bogoma:ne gaga:su dawa:. Dilia hawa: hamobeba:le hame, be Gode Ea udigili hahawane iasu lai dagoiba:le, hidale gasa fi agoane sia:mu da hamedei.

Louma 10:9,10

Di da dia lafidili, “Yesu da Hina Godedafa!” amo sia:sea, amola dia dogo ganodini Yesu Ea bogoi da:i hodo Gode da wa:legadolesi amo dafawaneyale dawa:sea, di da Gode Ea gaga:su hou ba:mu. Bai ninia dogo ganodini dafawaneyale dawa:beba:le, Gode da nini afadenei bu moloidafa hamoi ba:sa. Amola amo dafawaneyale dawa:su hou ninia lafidili sia:sea, ninia da Gode Ea gaga:su hou ba:mu.



Yone 3:16,17

Bai Gode da osobo bagade fifi asi gala hodole, ilima asigili, Egefe ilima i. Ea sia: dafawaneyale dawa:sea, lalegagusia, eso huluane mae bogole Fifi Ahoanumu. Gode da osobo bagade dunu huluane ilima se imunusa: fofada:musa:, Egefe hame asunasi. Be dunu huluane gaga:musa:, E da Egefe asunasi dagoi.



1 Yone 5:11-13

Gode Ea ba:su hou da agoane diala; Gode da ninima eso huluane mae bogole Fifi Ahoanusu i dagoi. Amola eso huluane mae bogole Fifi Ahoanusu ea Bai da Gode Egefedafa. Nowa da Gode Egefedafa Ema madelagi galea, e da eso huluane mae bogole Fifi Ahoanusu lai dagoi. Be nowa da Gode Egefedafa amoma hame madelagi galea, e da eso huluane mae bogole Fifi Ahoanusu hame dawa:. Dilia Gode Egefedafa amo ea hou dafawaneyale dawa:be dunu, dilia da eso huluane mae bogole Fifi Ahoanusu lai dagoi amo dafawaneyale dawa:ma:ne, na da dilima amo meloa dedesa.



Ma:diu 26-28; Luge 22-24; Yone 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Beami Bible (beo) Copyright © 2000 Tom Hoey.
CC-BY-SA 4.0

<https://www.bible.com/en-GB/bible/2441/GEN.1.BEO>

©2026 Bible for Children, Inc.

www.M1914.org

www.bibleforchildren.org

